



イ 4
1544
36



建炎以來朝野雜記乙集卷第十

宋

井研

李心傳

伯微

撰

將事二

趙子直丘宗卿楊嗣勳不欲吳氏世襲

虞丞相既沒朝廷復命吳挺為興州御前諸軍都統  
制兼知興州充利西安撫使凡十九年矣紹興五年  
夏卒于軍于是楊嗣勳總領財賦先是白朝廷乞擇  
重臣鎮蜀乃以其宗卿為制置使宗卿未入蜀而聞  
挺病甚恐其軍五六萬人緩急無所屬乃見大臣籌  
之故事帥臣闕以轉運使權主是舉虞仲少逸為利

建炎以來朝野雜記乙集卷第十

宋

井研

李心傳

伯微

撰

時事二

趙子直丘宗卿楊嗣勳不欲吳氏世襲

虞丞相既沒朝廷復命吳挺為興州御前諸軍都統  
制兼知興州充利西安撫使凡十九年矣紹興五年  
夏卒于軍于是楊嗣勳總領財賦先是白朝廷乞擇  
重臣鎮蜀乃以芷宗卿為制置使宗卿未入蜀而聞  
挺病甚恐其軍五六萬人緩急無所屬乃見大臣籌  
之故事帥臣闕以轉運使權至是楊虞仲少逸為利

漕宗卿欲重其事乃先令嗣勳往興州攝帥 上許  
 焉以為朝臣出使非例聞一作制所當令不欲行而宗  
 卿以聖旨移文嗣勳重傷其意即請少逸權州事而  
 已遙領安撫使未幾併以印送少逸就權人以為得  
 體先是吳之季歲聞一作開外羣盜縱橫皆縱而不治  
 少逸至未久遂捕其尤者悉誅之邊人讐服挺之死  
 也 光宗已屬疾不之信趙子直在樞筦用王楊之  
 議更遣張詔代之人服其遠識

利帥東西分合

利路自建炎置帥或在益昌或在漢中未嘗分東西

也紹興十四年鄭亨仲為宣撫副使時吳武順璘在  
 興州楊襄毅政在興元郭恭毅浩在漢陰欲令三帥  
 一体乃奏分利州為東西兩路東路治興元西路治  
 興州而浩兼金房開達安撫使遙制夔路及京西三  
 郡乾道初金州併屬東路而守臣但兼管內安撫司  
 元年夏武順改判興元朝廷以其遙制西路軍馬為  
 不便乃權合東西為一路以吳為安撫使而東帥王  
 權改知洋州兼管內安撫司公事吳薨不改淳熙元  
 年吳武穆為興州統帥李叔永守興州會湯朝美乞  
 分利州東西及金襄荆廬揚為七路各置文武二帥

叔永方申明間而朝美得罪事遂寢五年復分利州  
爲兩路以挺帥西路兼知興州紹興五年夏挺卒張  
詔代之復合爲一路而詔但兼知興州過興元章德  
茂侍郎爲帥議損其禮詔知之卽聲言已辭免兼郡  
不復入衙遂抗禮分庭而去蓋趙子直正宗卿共議  
本欲以制武興之勢而論者或以爲關外四郡旣屬  
興元戎司不能令緩急恐失事機會詔遣閒卒出境  
而知西和州王季明愬械繫之趙資政德老爲制帥  
奏罷季明慶元二年秋復分東西兩路六年秋郭果  
一作泉代爲帥嘉泰四年秋吳曦繼之開禧北伐又以

兼四州宣撫專兵比曦之反凡所出僞命皆以宣  
撫司號令行之由是西蜀一切稟承無敢異者故知  
子直宗卿制武興之權其慮甚遠猶得 祖宗遺意  
如德老所見特淺耳

趙德老說郭果定策

趙子直初議定策遣中郎將范仲壬告殿帥郭果仲  
壬初以時事艱難告之不應又以忠義動之又不應  
仲壬不得已屏人起立具以西府意達之又不應仲  
壬乃還子直知不可遂請趙德老尚書往見果諭指  
德老謂果曰彥逾與樞密第能謀之耳太尉爲國虎

臣此事專在太尉果未及言德老變色責之曰太尉所慮者百口之家耳彥逾盡誠以相告而太尉了不見答卽西府有問何以復之邪子明徐曰致意樞密領鈞旨事然後定其後策勳首拜子明節度使德老有怨言乃亦除端明殿學士

金字牌

雌黃青字牌黑漆紅字牌

近歲郵置之最速者莫若金字牌遞凡赦書及軍机要務則用之仍自內侍省遣撥自行在至成都率十八日而至蓋日行四百餘里乾道未有旨令樞密院至軍期急速文字牌雌黃青字日行三百五十里

八年

十月十三日指揮

淳熙二年尚書省又置緊急文字牌亦如

之然率與常遞混淆故行移稽緩紹興末趙子直在樞筦乃改作黑漆紅字牌奏委逐路提舉官催督歲終校其遲速最甚以議賞罰

四年十月二日指揮

明年尚書省

亦踵行之仍命逐州通判具出入界日時狀申省

五年

五月二十三日指揮

久之稽緩復如故余在成都先制帥楊端

明有命召以丁卯歲十一月二十九日降旨而戊辰正月未旬方被受是日行纔百餘里耳紹熙末正宗卿爲蜀帥始初擺鋪以健步四十人爲之歲增給錢八千餘緡月以初三十八兩遣平安報至行在率一

月而達蜀去朝廷遠始時四川事朝廷多不盡知自  
初擺遞以來蜀中動息靡所不聞凡宗卿秘一作疏  
中所言皆擺遞之報也自後私書叢委每遞至百數  
由是往來稍逾期自成都而東猶不過月自行在而  
西或三十五六日云

嘉泰開邊事始

嘉泰三年冬虜中盜起增戍積糧又焚襄陽權塲蓋  
懼朝廷乘其隙也朝廷聞其事卽起張省翁參政帥  
淮東程東老樞密帥淮西蓋以省翁揚州人東老池  
州人欲使護鄉井也又起立宗卿侍郎守四明以防

海道起卒幼安大卿帥浙東時武帥鄭挺在襄陽邊  
釁開懼不能任力求去乃召還行在旣又轉一官知  
婺州于是文臣無肯行者遂以李奕爲荆鄂副都統  
制兼知襄陽奕與其兄弟爽言世將家皆爲戎帥時  
東老父喪未免力辭改命廣帥薛象先侍郎而象先  
不行留提舉佑神觀遂命宇文挺臣侍郎代之辟置  
參機皆非常制又徙幼安以次對守京口起趙德資老  
政守四明出許深甫知院守金陵深甫不欲行乃命  
宗卿以直學士代典留鑰其開邊蓋自此始

李季章論立宗卿不當罷督府

正宗卿之罷江淮督視也命由中出執政不之知李季章在都堂爭之侂胄不納季章曰凡舉大事未論行事之是非先觀人心之向背正宗卿有人望奈何去之侂胄變色曰方今天下止有一正宗卿耶因拂衣而起

葉正則不肯草出師詔

韓侂胄將舉兵先以葉正則直學士院蓋藉其名使草出師詔也正則喻其意堅辭至三四不受于是用李璧草之葉正則云正則既辭又欲命魯鴻父漸以少逢權直院鴻父亦辭遂止

董鎮言楊侍郎未肯通情

武興之亂時人記錄者有新舊安西樓記安觀文靖自撰蜀編宣撫司准備差遣胡西仲編耆定錄長沙板行不得姓名海濱漁父記漁父板行楊巨源自敘書上劉閣學者楊巨源事迹益昌土人撰楊巨源傳武臣李珙撰李好義誅曦本末李好古日記復四州本末李好古自記李好義行狀白撰中平蜀實錄楊君玉撰新沔見聞錄不得姓名切齒錄壬人任編固陵錄李直院季允作藩毛氏寓錄茶馬司幹辦公議榜成都府學士人撰佚爵錄朝奉郎趙公宅撰而士大夫之在新沔者又或有日錄辨沔等書最後西陲泰定錄乃盡採而輯之取舍是非一從公論其本末亦粗備矣然必



見于簡牘者然後登載故雖時人所傳其事甚播者  
 有未之及焉曦之遺諸貴人書也楊尚書獨深止之  
 曦不悅再與費資政書略云成都侍郎獨不相察使  
 曦不從權濟難就其和義北人深入何以爲計相公  
 可爲問之蓋費公所答曦書其詞猶婉而楊公之書  
 其語甚切故也余在田里見四路行移成都安撫一  
 司不去開禧之號時二月初矣爲錢引事十六州六  
 十縣各大里榜一印  
 榜凡其後董鎮誅啟篋成都得遺曦書稿有云楊侍  
 郎未肯通情云

安觀文誅曦勢順

淳熙末安觀文爲文州漕官有薦于吳挺者檄兼利  
 西安撫司僉廳時彭人蘇熙之爲安撫司幹辦公事  
 以文墨自許傍人無如已者挺之館客有李姓者挺  
 子吁一作吁之外姻也德壽官慶典李爲之草表以賀  
 表文中有揚命二字旣行矣熙之一日挾尚書以進  
 謂挺曰導揚末命此顧命中語奈何用之挺大驚追  
 之不及由是李與吁皆恨之未幾趙德老來蜀總計  
 舊例西帥遣屬官一員徃迓則計使舉以京秩熙之  
 旣爲吁李所恨乃共薦安公代之德老見之甚喜他  
 日從容謂曰太尉統衆六萬得母例有虛籍者乎安

公不敢盡言則曰某所若干某所若干以實論可五萬三四千人耳居數日德老以書來曰太尉忠誠如此盍若損六千人之虛籍寬四川之重賦不亦可乎挺得書謂人曰趙少卿入蜀尚新安得知吳虛實此必安丙告之耳乃大怒盱李共為解遂已未幾安秩滿入都因為蘇代挺記其前事欲拒之盱李乃一作巧言曰使其果有是勢當自疑今調此官以來可亮其無他也安公為人警敏凡事盡力挺更喜之為延譽于諸司改秩而去及曦為殿師安通判隆慶府又遷知大安軍比軍興首辟隨軍轉運旋以救荒有績復

遷一官為朝奉大夫逮其稱王即除丞相長史都省事俄楊李之議合安公遂決策誅之蓋居不疑之地操可致之資其勢順也天之佑宋夫豈偶然哉

蜀士立功立節次第

武興之變立功者安觀文為之主楊巨源李好義侶率忠義次之李貴手斬逆賊又次之若李好古安癸仲楊君玉李坤一作仲辰張林朱邦寧之徒協謀舉士又其次也立節者陳待制成為之首史次秦薰一作自避偽次之大安軍軍學教授李國博興宗棄郡而去又次之若王釜總領所主李道傳蓬州州學教授皆不受職之招

又其次也楊泰之羅江縣承鄧性善犍為縣尉程遇孫知母陵縣未

一作安之源龍游縣令文俱戶參軍家子欽金州都統劉端

友總領所措劉翊之興道縣丞劉靖之監成都府楊汝明

成都府觀張方普州州家大西紹興縣楊修年簡州

授梁梓隆州司詹文一作中漢州州晁子儀知綿錢

元如眉州司法參軍龐坤載名山張權監德陽鄧諫

從新軍懷袁桂一作桂隆州楊鼎年知萬州改差制李

莊知梁山軍改程公說前邛州州避偽去官又其次

也以上立節之士共二十人文俱以上五人係乞致

係不赴新任李莊以上二人係死節者一人權大安

軍楊震仲始終不奉行偽命者一人成都帥臣楊端

明也其餘拒偽歸朝如劉侍郎甲李校書皇稱疾不

視事如李侍郎寅仲等尚多有之曦叛以李允持

異論偽帥祿祁令殺之會其已去乃得免

建炎以來朝野雜記乙集卷第十終

建炎以來朝野雜記乙集卷第十一

宋 井研 李心傳 伯微 撰

時事

誅曦將士共轉三十萬官資

復四川將士共轉四萬五千餘

官資附

誅曦功賞自王喜以下凡四百二十人有由副使建

節者有由白身授員郎者又三路全軍約七萬人噶

轉或三官資以五官資

入隊人五官資不入隊人三官資

大抵共約

轉三十萬官資錫資不計也復四州

一作川

功賞自王

喜李好義張林外凡一萬三千六百四十六人共轉

四萬五千八百九十五官資王喜河池四千六百七十人共轉二萬二千八百官資李好義西和一千二百九十四人共轉七千八十三官資惠永鳳州三千五百三十四人共轉七千一百二十六官資張林成州一千九百九十六人共轉三千三百五十二官資劉昌國階州八百三十四人共轉四千五百三十四官資以余所聞河池成州皆虜人自去鳳州則忠義人取之階州不取可得一時推恩大率如此余又嘗見李御帶好古親錄實入偽官人纔一百三十一人而據楊通判君玉所書則君玉與楊用朋李松之等

正在長史廳伺候告捷白子申又他之則實入偽官蓋不滿百三十一人矣自諸軍喝轉一作報功賞之後歲增支總領所錢物約七百八十萬緡而喝犒不與焉

誅曦犒賜銀帛數

誅曦犒賜共用金七千兩金盤盞一副金帶五條金束帶一條並宣撫同支銀六十一萬七千七百七十三兩六千一百七十五兩宣司支六十一萬二千五百五十五兩總所支絹六十一萬六千九百二十四匹四千三百一十五匹宣司支六錢八萬二百五十引三十引朝旨支七萬七千二百五十引宣司支

虜帥言李季章等四人可信

張肖翁之督視江淮軍馬也遣蕭丞方信孺往河南

行省永和北帥僕散揆即十一馬也許納南使且禮遣

之信孺既行揆復使人論之曰已奏朝廷更得安宣

撫與西元帥一書乃善侂胄以書遺安觀文諭指安

公難之久之乃作書如所云且餉以樂物縑幣西帥

啟緘却餽而令鳳翔府路都統使完顏昱作書以來

大畧言當聽命于行省而已時朝廷遣三使入北一

通謝二告哀三賀生辰虜亦遣迓使來已過泗州矣

復却回之曰皇帝聖旨南使中惟李璧吳琚朱致和

李大性四人言語可信當遣來議事今所遣小使且

還琚隆慈之弟子位至少卿節度使致知嘗以右

司郎中出賀庚申正旦未還道除司農少卿俄引年

除直龍圖閣主管雲臺觀大性字伯和南昌人嘗為

戶部侍郎琚與致知時皆已死虜人欲朝廷割地損

禮由是不諧云

李季章所知多佳士

李季章悉知政事以劄子薦蜀士有時望者凡十二

人于朝廷乞名擢守貳四人黎州楊伯昌子謨石泉張

伯顧德隆慶何叔堅德瀘倅張子和鈞而點

伯昌子和二人京官二人興元教授黃子駿申之遂寧人

青神宰楊浩然洪雙流人選人四人漢州學官詹子能中久

邛州人眉州學官張習之押潼川人余弟仲貫甫亦與焉餘京

官選人後黜子駿子能二人得旨皆召未行侂

胄敗季章謫子駿病遘死三人俱不敢前制帥楊嗣

勳再請于朝然後促召時伯顧以衛清叔薦仲貫甫

以嗣勳薦亦有召察之命浩然後為黃伯庸所荐不

得召董仁父入蜀將上習之節守于朝乞召察叔堅

歷守長寧唐安垂除部使者告老而去年纔五十四

云季章所知多佳士此其選也

淳熙至嘉定蜀帥薦士總記

蜀帥例得薦士其始胡長文所薦如呂用輔范致能

所薦如胡子遠亦不過一二人皆幙中之士蓋以蜀

去天日遠士非大帥薦揚無由自達頃歲趙溫叔初

入樞府楊嗣勳為吏部侍郎李季章叅知政事皆當

時荐士三人或四人吳曦平後朝論以蜀士在朝者

少又特召四人此外郡守以下非常有朝蹟及進士

三人莫非帥臣所薦召矣初長文之守蜀也首薦呂

周輔章德茂二人可用而召周輔一人其後留仲至

為之遂薦黃文叔馮傳之李君亮費戒甫范文叔等

五士論者翕然以為當詔召文叔傳之餘俟滿秋與  
 陞等差遣仲至執政趙子直繼之獨荐劉德修子直  
 去京仲遠為代荐戒甫游子正仲鴻南充人又薦劉  
 仲洪張子良一作良 伯原仁壽人而仲洪子長一作良  
 皆慎客也陳子長右司損之藉 縣人為華陽宰仲至意屬  
 之而不與荐由是格不行會潼川漕趙靜之善譽亦  
 荐張子長于朝將有命召或曰前是大帥所荐不行  
 而今以一路鹽司所薦召之恐傷事体時王燕望少  
 監夷潼川人子長同 榜進士第二人為成都石室教授乃降旨併召  
 二人若曰自以進士高第召之非由外荐也其後止

宗卿未及薦而罷去趙德老為帥京仲遠當國乃薦  
 其客馮叔常履臨印人時為 崇慶府教授及李季允楊濟道汾青 城人  
時為隆州教授凡三人德老復以所厚王齊卿巴嚴道人 終國子錄參  
 之皆得召去自是遂有歲薦之目矣袁起嚴所薦宇  
 文挺臣時知 隆州相里公擇寅安仁人范少才子張雙流 人時知飛  
鄆縣令太常趙全道大潼川人時為簡州張公甫  
承東川提刑陳叔遠遇孫仁壽人時為潼州凡六人朝  
為普州教授廷不能盡善乃詔挺臣公擇俟秩滿赴行在奏事少  
 才全道俟終更赴朝堂審察公甫叔達俟滿日特轉  
 一官自是歲荐有不召者矣劉仲洪為人固非長者



然所荐劉師文甲渤海人寓居達州今實謨閣直學士張伯修從祖江原人新

知靈泉縣終宋正仲德之晉原人嘗為太李仲衍宗

洛陽人寓居鄴四人俱時望謝用先所荐費思甫士

廣都人時張東南震龍湖人張公甫時為制置司扈

叔誼仲榮江源人時僉書許子然沆瀘州人時凡五

人思甫乃參政戒甫之族叔誼與戒甫連姻思甫以

嫌除直秘閣餘人皆召察焉程東老在蜀最無足云

而所荐陳逢儒李仲行薛仲章綏緩一作龍游人時為

范少約子該雙流人時張立義方資陽人類省試第

楊叔禹汝明青神人進士甲皆知名東老時為宣撫

制置使乃盡召之楊勛嗣荐子弟仲貫甫及程叔達

趙信道希昔宗室寓居合州而又申言程東老李季章所薦不

敢行者六士范少約楊叔禹張義立于是有旨趣行

蓋九人也安子文方為宣副同時薦八士章甫上會

其間蓬守杜慶長源昌元人以上偽表為中執法所劾竄

臨賀由是報聞久之乃獨召字文子仁開仲雙流人今為大理司

直蓋挺臣力也吳德夫為制帥薦李仲可嗣文依政人知雅州

何仲弼德彥綿竹人度周卿正巴州人何從叔應龍

人西川劉思恭靖之陽安人監李思行鳴鳳陽安人

何李皆類試第一人思恭德修子仲弼已選知黎州

何李皆類試第一人思恭德修子仲弼已選知黎州

何李皆類試第一人思恭德修子仲弼已選知黎州

何李皆類試第一人思恭德修子仲弼已選知黎州

何李皆類試第一人思恭德修子仲弼已選知黎州

何李皆類試第一人思恭德修子仲弼已選知黎州

何李皆類試第一人思恭德修子仲弼已選知黎州

何李皆類試第一人思恭德修子仲弼已選知黎州

何李皆類試第一人思恭德修子仲弼已選知黎州

四人皆召仲可得旨與監司差遣俟命一年有餘乃除利路轉運判官周卿嘗謁朱晦翁于建陽從之彌月德修每為之延譽德夫又力薦之乃進一官曾君錫舍人論之命遂寢明年子文改除制置大使乃薦重慶李季允幕客趙公開希濬寓居石磐嚴道楊叔正泰之青神人普州學官張益父巴之遂寧人成都帥屬王才臣後廬陵人凡五人季允歷官館學累為藩帥部使者不當在歲薦之列叔正少勁直為楊嗣勛所知方吳曦亂時嗣勛與其父書有令嗣拂袖徑去真名父之子輔所以不欲與聞其去想蒙悉譽之語子文得其墨本為

繳進蓋父嘉定元年進士今尚初官同時廷試第一人前省元未召也才臣喜為詩以江西帥使者特薦得官不由科目且非蜀士議者以為非前此章上數月乃召季允與別議差遣公開增一秩叔正益父召察才臣俟終更與陞等差遣今成都提刑林與之以不應副利店事與帥臣黃伯庸異論召去乃命季允為本路提刑特免避產業云潔已字與之永嘉人于祖得聘紹興給事中是伯庸以得旨咨訪四蜀吏治亦薦士三人曰仲弼楊浩然洪虞子韶剛簡浩然雙流人故為德修諸人客時通判潼川府子韶雍公孫屢舉進士時知永康

軍朝論以一路帥未嘗有薦士者疑之伯庸移書執政援前旨爲詞仲弼先已召會朝士多知子韶乃降旨浩然秩滿與陞等州郡子韶令赴都堂審察自嘉定以來蜀之宣撫安撫制置之司皆得薦士亦非常制云

### 四川大制司結局

沔州自誅曦後王喜王鉞薛九齡皆以宣撫司便宜之命爲都統制已巳之秋王大才始以荆鄂都統制改除入蜀大才過漢中自以嘗權招撫使不欲與大使講階墀之禮安大使不從大才恨焉先是戊辰之

冬金主璟卒無子其季父衛王允濟立允濟嘗使韃靼不爲其酋特沒真所禮憤之及允濟立特沒真始叛辛未之秋朝廷遣余郎中嶸北使賀所謂萬秋節者而燕京已爲韃靼所逼不暇延使者余郎中至涿州而還癸酉之秋允濟爲其人紇石烈執中所弑璟之庶兄鄴王珣代立董舍人居誼爲賀生辰使至沃州而還繼而賀登位使真舍人德秀正旦使李舍人一作重一作繼抵盱眙虜皆不克迓謀者言虜有內難議論紛然朝廷聞之以御札賜大使及大才令益謹守備母啟邊釁有迪功郎提舉皂郊博益舖務兼大使

司簽廳何九齡者廣安鬻爵人也遽結忠義人謀取秦州未發前八日虜先知以檄至秦州詰問丙寅除夕九齡遂率沔州諸軍統制強德等以所部使夜襲秦州甲戌正月朔旦敗焉十六日壬午大才執九齡及諸將等七人斬之以其事聞于朝旦檄報鳳翔都統使仍闕牒川陝四路監帥司又遣人往廣安捕九齡之子世昌亦斬之會大使司奏大才圖一作為宣撫使設意傾陷令邊報不一或有緩急必致誤事二月十九日甲寅詔大才特降一官三月二日丁卯大使除同知樞密院事日下起發赴院治事新成都路

安撫董侍郎居誼除四川制置使疾速前去之任知

潼川府劉侍郎中

一作甲

除利路安撫使時暫權制置

司職事限一日起發皆未受命也會大使司遣使臣李大亨王頤往皂郊逮大才所遣秦州打話人赴興元問狀四日巳巳過沔州市大才執大亨斬之縱頤歸報後二日辛未乃以悖語至大使司武功大夫福州觀察使充沔州駐劄御前諸軍都統制兼知沔州王大才今具相公不顧法令非理劄下大才事日開具下項一入其大才與虜人同謀不軌一入謀大才與虜人私通書信一入謀大才于廣安軍殺何九齡

之子世昌一入謀大才將兵劫掠到銀七十三錠金一百五兩已納在大才宅庫一興元都統李大尉密與大才下書虞侯孫儀言說稱相公已刷差下二千五百人要得親來沔州將大才殺害一相公日來不時遣使強橫小人以追人爲名前來門首厲聲叫鬧呼來庭下將大才百般賈靡所不言此何理耶未有敗壞朝廷紀綱法令端自相公爲始伏乞鈞照右大才照得禮樂征伐自天子出非人臣可得而專不謂相公同何九齡擅開兵端引惹邊事關係國家利害至重而又不遵宸翰約束其所賜御札詔墨未乾

輒敢反亂朝廷何所不爲所有何九齡已從條法誅斬了當獨相公未蒙朝廷施行如何反將忠臣義士入謀以不赦之罪公然形于紙筆以快私意天下恐無此理可見相公包藏禍心欺罔君父蔑視朝廷不恤人言畧無忌憚未審相公端用幾日前來沔州作亂乞賜明文行下容大才道左祇候公參謹具申制置相公敢望鈞慈憫念朝廷勿以天日萬里以爲可欺况惡業貫盈恐造物不與善後特未可保伏乞鈞照開正識眼曲賜看詳嘉定七年三月初六日 八日癸酉大使得之卽疏辨申朝廷且檄四路帥臣監

司委究的實十一日丙子董侍郎至石首縣被制置使之命十七日壬午大使被同知之命同日劉侍郎亦被權司之命二十五日辛卯借用潼川府觀察使印交割制置司職事徑至興元四月十九日癸丑安同知發興元申乞以剗賣鹽引錢三十萬緡充泐路喝犒諸軍之用不待報遂行五月十八日壬午金王珣爲鞬鞞所迫 渡河居汴京六月二十日癸丑安同知自廣安順水赴行在八月十六日戊申安同知除觀文殿學士知潭州二十一日癸丑安同知行至廣德軍得邸報二十五日丁巳還次黃時鎮被新除之命上疏力辭優詔不允乃遣官賫結局進册赴行在蓋自丁卯二月乙亥晦曦誅安公權宣撫使至甲戌四月十九日癸丑制置大使司結罷凡二千六百有一旬有八日云于是制置使還成都而興元帥臣依兩淮例兼節制御前軍馬稍得與聞邊政大才貪庸凶悖制置使既不得其柄反倚重焉失朝廷臨遣之意矣

建炎以來朝野雜記乙集卷第十一

御筆與御筆內批不同  
本朝御筆御製非必皆人主親御翰墨也  
祖宗時  
禁中處分事付外者謂之內批崇觀後謂之御筆其  
後或以內夫人代之近世所謂御寶批者或上批或  
內省夫人代批皆用御寶又有所謂親筆者則上親  
書押字不必用寶至于御製文字亦或命近臣視草  
焉  
神宗祭狄青文中丞滕達道所作也  
實錄誤以  
為親製

建炎以來朝野雜記乙集卷第十二

宋 井研 李心傳 伯微 撰

故事

親筆與御筆內批不同

本朝御筆御製非必皆人主親御翰墨也  
祖宗時  
禁中處分事付外者謂之內批崇觀後謂之御筆其  
後或以內夫人代之近世所謂御寶批者或上批或  
內省夫人代批皆用御寶又有所謂親筆者則上親  
書押字不必用寶至于御製文字亦或命近臣視草  
焉  
神宗祭狄青文中丞滕達道所作也  
實錄誤以  
為親製

高宗追廢王安石配饗詔舍人胡明仲所作也張侍講跋此詔所謂荆舒禍本可不懲乎之語誤以為親製光宗撰壽皇聖政錄序秘監陳君舉所作也此文今見致堂止齋集中但人不知耳

選人不十年入相

陳勉之丙辰年自兩昌丞除太學錄癸亥春拜右揆自選人不十年入相本朝所有獨范覺民與勉之而已覺民六年勉之八年

將相四十以下建節者

將相四十以下建節者李君錫顯忠年三十岳鵬舉飛忠

三十二楊正甫存中三十五張魏公俊三十六吳寶臣

總三十七吳唐卿璘三十八吳晉卿玠三十九韓良

臣世忠及吳曦皆年四十

吏相以上封國例

故事使相以上封國公者先小國經恩陞次國又經恩陞大國孝宗初政張忠獻以特進和國公拜少傅江淮宣撫使封魏國公官爵皆進二等蓋殊命也近歲史丞相以勅局進書恩自永國徑封魯國公亦異數

中興異姓七王



中興異姓七王自張俊始先是韓世忠以咸安郡王奉朝請其沒也追封通義郡王而已久之俊死有司奏如前例上謂其有和戎功與世忠相去萬里遂特封循王乾道初楊存中死追封蘄春郡王其家意不滿又封和王明年吳璘死因以為熟例追封信王世忠之子彥古令統制官張青頌其父功乞追贈孝宗難之宰相陳應求曰張俊楊存中已封王則于世忠似有不足前此失于無人建請若聖意行之亦足以勸有功而屬將上遂封蘄王淳熙初吳拱為騎帥始訢父玠有保蜀功而爵不稱乃封涪王開禧用

兵韓侂胄欲風厲諸將因劉光世之孫伯震有請封光世鄜王既又封岳飛為鄂王中興諸將至是畢王矣

后家封王者

祖宗以來后家封王者自元豐曹氏始時官制初行曹濟陽自中書令改開府儀同三司神宗以為嫌于志故以異姓王易之也其後高氏不得封向氏二王宗同鄭氏一王紳中興后后家得封者吳氏二王孟氏韋氏郭氏韓氏楊氏各一王然曹向吳韋郭皆以元舅鄭以后父封獨孟信安以帝外兄韓平原以

中宮曾季祖皆異禮也近楊永陽一作錫以后兄得封亦異數

中興以來后家建節者

自建隆以來后中宮之家建節者極少如杜審進

曹伯一作修皆晚歲始得之宣仁垂簾十年高公繪

止為承宣使符觀後乃有向宗回兄弟鄭紳父子中

興七十年后家建節者凡二十有二人吳氏七人益蓋

琚瓌琚瓌韓氏四人梃胄邈同韋氏四人淵謙邢氏李

氏各二人邢煥孝揚李孟氏鄭氏郭氏夏氏謝氏楊

氏各一人忠厚藻師禹

建炎乞嘉定中臺司不至兩地者十一人

建炎至嘉定除御史中丞凡四十人自顏夷仲至今

章達之率皆柄用中間不至兩地者十有一人而已

然或以久病辛炳姚愈或以論事失指蔣世修謝國昌或以與宰

輔不合王賓周秘或以告訐勾龍或以敗事鄧伯允皆

有故而去其以常伯善罷者惟羅龍學汝楫一人若

詹端明大方雖以工部尚書出臺而旋入宥所一作密府

云

近臣舉察官事始

紹興癸丑右相朱藏一以內艱去位高宗手札賜

舉士沈必先綦處厚以三院御史阿附時宰令二人共舉察官于是以李元叔長民應詔元叔嘗為校書郎奉祠去久之通判漳州遂召還為監察御史而曾任鄭三御史皆罷此中興後近臣舉察官之始也

御史臺彈奏格

御史臺彈奏格舊無有淳熙初柴叔懷瑾為殿中侍御史奏言本臺覺察彈劾事件前後累降旨揮經今歲久名件數多文辭繁冗又有止存事目別無可攷恐奉行致有抵牾乞下勅令所逐一刪修成法各隨事宜以六察所掌分成門類繳申朝廷取旨降下本

臺遵守仍令刑部鑲版頒降中外單夔時以戶部侍郎兼勅令詳定被旨編寫成冊送臺審覆會謝廓然新除殿中侍御史與其寮審覆凡三百五條選具奏乞以彈奏格為名行下從之四年七月丙午也午一作子紹熙元年二月劉德修為御史又摘其有關於中外臣僚握共將帥后戚內侍與夫禮樂訛雜風俗奢僭之事凡二十條以奏乞付下報行令知謹恪上從之

任子賜出身

祖宗以來兩制二史必以進士登科人為之其後有

以才選者則例賜進士出身雖徐師川呂居仁亦然  
重科目也乾道初王嘉叟相為左司員外郎會右史  
胡元質長文在告 上命嘉叟權右史仍攝西掖執  
政言嘉叟無出身 上曰時暫無傷也其後韓无咎  
元吉為左司郎中而舍人林景度機出迓北使 上  
復命无咎无咎以門蔭入仕辭不許時王能甫之奇  
為其部侍郎張南軒為左司員外郎繼徐侍講亦不  
賜出身用呂元明吳傳正例也已而有為 上言南  
軒譏能甫不學不當在講筵者 上怒南軒俄以事  
去未幾蘇季真嶠除左史遂復賜出身余謂得人如

无咎欽夫豈當復以任子登科為間雖不必守 祖

宗之舊可也是時有右文林郎王天覺者知真一作

符縣代還以聚斂擊刺之術因左右以見其所獻書

有云人才可用不必限資格有無出身如擢王炎炎

誠可用不必賜出身賜出身則猶有所徇也狗一作其

迎合類此既而改京秩除樞密院編修官兼檢詳文

字俄為副端徐彥才所論遂逐去議者快之

言官祠臣論宗室入館人數差誤

本朝宗室入館者五人自乾道五年趙忠定始其後  
趙從道侍郎趙大本舍人皆嘗為之開禧末趙履常

汝談除正字言者論列以爲中興後宗室入館者纔  
 二人汝愚以大魁彥中以詞科然後得之而不及從  
 道蓋失于考詳也從道少師訓安定郡王令盪孫紹  
 興甲戌歲登科乾道壬辰冬始以近臣薦召爲太常  
 寺主簿明年夏除秘書郎未兩月遷起居舍人其冬  
 擢一作權工部侍郎甲子秋引疾丐祠除敷文閣待制  
 履歷如此言路乃不知何也嘉定初趙履常崇憲入  
 館蔡行之當制亦云中興後宗室入館者凡三人亦  
 誤矣

學士舍人當兄治勿除官制不應避

紹興初王剛中爲中書舍人其弟居修除太常丞引  
 嫌乞改命官草制自是爲例余嘗以故事考之學士  
 舍人當兄弟除官制皆不應避錢惟演使相麻其從  
 兄希白所草也會子宣右僕射麻其弟子開所草也  
 若謂一時宣鎖竄爲異數則元豐官制初行子開除  
 吏部郎中子固時爲中書舍人行詞亦不避考南豐  
 類藁而可見也不知引避起于何時

館職不入局故事

楊僕子寬和王存中長子也其父久掌殿岩旣補以  
 京秩紹興二十四年又奏乞令與其弟倓子靖並特

赴殿試 高宗勉從之蓋是年秦頊爲南省舉頭故效之也二十七年正月僕除少 士論甚駭既供職館閣之士不入局者三十時唐立夫爲秘書郎黃通老王時亨爲著作佐郎季元衡陳文仲爲校書郎胡周伯張安國林少穎汪明遠葉伯益爲正字大抵多名人也朝廷聞之亟徙僕宗正少卿而以劉文孺代之物論方息僕後遷工部侍郎俛淳熙中執政

檢驗格目

檢驗格目者淳熙初鄭興裔所創也始時檢驗之法甚備其後郡縣玩弛或不卽委官或所委官不卽至

至亦不親視甚則以不堪檢覆告由是吏姦得肆冤枉不明獄訟滋熾興裔爲浙西提點刑獄乃創爲格目排立字號分界屬縣遇有告殺人者卽以格目三本附所委官凡告人及所委官屬行吏姓名受狀承牒及到檢所時日解舍去檢所遠近傷損痕數致命因依悉書填之一申所屬州縣一付被害之家一申本司又言于朝乞下刑部鑠版頒之諸路提刑司准此從之遂著爲令元年五月十七日也興裔其先平陽人後徙開封曾祖紳以后父貴宣和末爲太師平樂郡王謚僖靖祖翼海軍節度使謚榮恭世父藻事

高宗久在上閣再為泛使官至使相封榮國公謚  
端靖興裔初名興宗早以后澤入官乾道中為江東  
兵馬鈐轄嘗令建康都統及馬軍將司擇帥未善  
孝宗避之會復武臣提刑擢使閩郡一作部移浙東又  
移浙西再使金因避虜諱改賜今名淳熙初除樞密  
副都承旨在職一年歷知廬楊明州皆有政績慶元  
五年告老轉武泰軍節度使致仕卒謚惠肅子挺嘗  
以黃州團練使歷帥淮襄兩道損抗皆有位于朝而  
損鎖廳登進士甲科蓋世族中所未有

宣相詔使稱謂不典

元樞呼樞使自張俊始諸州倅呼府判自陸寘始皆  
見于會要曰歷舊制密院官長亦止以樞密為稱紹  
興中張俊為使其親吏以俊父名密請于朝有旨呼  
樞使自是為例宣和中陸寘以宦者王通薦通守四  
明避其名更稱府判紹興初稍稍行于浙路今遂為  
天下通稱不可易矣宣撫使呼宣相自童貫始近安  
子文為四川宣副得旨恩數視執政士大夫鄙俗者  
亦稱宣相蓋務為崇重而不考其始焉近歲召客例  
呼詔使余在成都見錢伯周丞相與制帥楊端明手  
書亦然按朱忠靖閒居錄宣和間大闢李彥按行京

西始呼詔使蓋唐勅使之比今以稱士大夫誤矣

莫粹中轉官最速

近歲轉官更速者莫舍人粹中子純慶元二年進士是歲七月補承事郎而泰嘉三年階官以為中大夫出身凡七考共轉十六官通為五十八年磨勘其間限員之日月不與馬若任子細轉則是歲明堂請任為七十年磨勘子吏部以庶官入仕未及十五年格不下蓋宣和間嘗立此法自中興以來未之有也陳勉之以慶元二年六月改官至開禧三年遷特進實歷十二考共轉二十四官自其執政後無序遷法姑以侍從年勞計

之凡用一百二十四年磨勘亦宰輔中所未有若任子細

轉則為一百三十五年

宰執贈官例

故事侍從亡歿皆贈四官執政五官樞密使六官宰相七官若特進以上一官而已嘉泰末周益公以少傅贈太帥蓋異數也嘉定以後錢伯周樓大防宇文挺臣張肖翁之徒皆例贈公少是過乎厚矣費戒甫嘗為執政官至正議大夫乃止以銀青光祿大夫告第實贈四官是又少殺矣按 祖宗時贈卹之典多出特旨不專用例蓋考其勳德之大小而分隆殺焉



此勸懲之意也

奉常畢大事例遷儀曹

朱時敏師古眉山人也淳熙末為太常少卿王季海喜其謹厚欲用為從官而不敢荐二年半不遷數請外季海留之其妻樂安郡大人任氏賢婦人也以為不可師古力求去一日方坐寅清堂有老吏密言曰德壽宮服藥知之否師古顰蹙曰知之奈何吏曰少卿奚去之果師古不諭既而得小寵知潼川府尤延之代為少卿視事一日而宣遺詔祔廟四日除禮部侍郎師古乃悟余因考紹興七年吳正仲二十六年

宋裴皆以大喪禮畢除儀曹貳卿老吏習知之故以微言留師古耳

刺史以上無階級法

太祖階級法諸禁軍將校有帶遙郡者許以客禮見自餘一階一級全歸伏事之義時橫行

諸使尚未有遙郡之名此文指禁軍指揮使帶防團刺史者耳近歲李伯和尚書為荆湖制置使管軍節度使王喜橫挺拜庭下僭也余嘗記王公明以元樞為四川宣撫使都統制初叅謁拜副階上典謁吏贊相公答拜次統制官拜庭下亦如之次正一作立椅子

前受統領官拜正將以下乃坐受焉余謂統制官以上官至正任刺史者當以客禮見管軍則合開寶五年之制矣

從官典藩于制司不用申狀

謝用光自工部尚書論罷久之以大中大夫知夔州移興元府時劉仲洪為蜀帥故事嘗任侍從官于制置司申狀止書檢不繫銜用光至興元始用申狀吏以閻才元故事白不從嘉泰二年用光就除制帥趙全叔以華文閣待制代之又以申狀呈全叔曰我從官也何乃有吏以用光近吏對全叔不樂于是楊嗣

勳以敷文閣直學士知潼川府何同叔自前禮部侍郎起為夔路安撫使全叔即檄二公詢之二公皆不報全叔不得已遂復用申狀焉從官書檢不繫銜紹興十九年旨也

諸路倚郭二縣數

諸路州府治二縣者凡十有二	東京開封府	<small>治開封祥符</small>
行在臨安府	京兆府	<small>治長安萬年</small>
<small>治錢塘仁和</small>	成都府	<small>治成都華陽</small>
平江府	建康府	<small>治上元江寧</small>
<small>治吳長洲</small>	紹興府	<small>治會稽山陰</small>
治南昌	廣州	<small>治南海番禺</small>
治南昌	湖州	<small>治烏程歸安</small>
治南昌	福州	<small>治閩侯官</small>
治南昌	雄州	<small>治歸安</small>
治南昌	信客	
治南昌	城	

建炎以來朝野雜記乙集卷第十三

宋

井研 李心傳

伯微

撰

雜事一

趙韓王六世小譜

忠獻韓王趙普字則平幽州薊縣人曾祖吳國公冀

三河令祖趙國公全寶澧

一作澧

州司馬父齊國公迥

相州司馬遷居洛陽齊國公生四子長忠獻次貞尚

書都官郎中次安易宗正卿次正東頭供奉官忠獻

三娶長衛國夫人魏氏生右羽林衛大將軍承宗次

齊國夫人魏氏生昭宣使誠州團練使贈中書令承



煦次陳國夫人和氏後唐宰相疑之女也生二女皆  
度爲道士承宗娶長樂郡主高氏 太祖甥女也無  
嗣承煦字景陽初娶仙源郡夫人孟氏蜀主昶之女  
繼延康郡夫人孟氏昶子滕國公光喆之女生子從  
約字元禮爲東上閣門使象州防禦使贈建寧軍節  
度使娶曹氏秦武惠王彬之女封同安郡夫人從約  
十四子長思齊左藏庫使榮州刺史贈華州觀察使  
思齊生希魯宜州觀察使贈太保希魯生瓌字子偉  
事高祖爲蘄州防禦使知閣門事後更名述述字  
子演早卒演子益字謙叔事 孝宗爲武德大夫文

州刺史權知閣門事從約中子思明爲引進使有女  
適戶部侍郎范坦思聰閣門通事舍人娶宋氏武安  
軍節度使守約女思復武經大夫榮州刺史娶錢氏  
吳越王孫女思恭崇儀使娶馮氏知樞密院事京之  
女思文左藏庫副使子希傑奉議郎知秀州孫珪武  
翼大夫知茂州思禮內殿承制子武節郎希詔一作  
娶向氏安康郡王宗向女封樂平郡夫人思靜國子  
博士思行武功大夫榮州刺史娶徐王向經女 欽  
聖憲皇后之妹也子希仲衛尉寺丞凡韓王子孫之  
顯達者盡于是矣紹興七年朝廷錄勲賢之世官其

六世諸侯洪等十二人洪乾道末仕至修武郎知綏陽縣而死歸貲爲盜所掠其女流落行乞于蜀中嘉定三年六月辛酉過吾鄉因得觀其世譜如右故摭其大槩書之以補史闕

渡江後名將皆西北人

吳璘郭浩德順軍人張俊劉錡王瓌秦州人楊惟忠李顯忠環州人王淵一作全階州人馬廣熙州人楊政一作涇州人皆西北人也劉光世保大軍人楊存中代州人趙密太原人苗傅隆德人岳飛相州人王彥

檉州人皆北人也諸將中惟張韓楊官最貴其諸子悉在行鄱張之子子顏子正皆爲次對雜學士楊之子僕爲列曹侍郎倓至執政韓之子彥直彥質彥古皆爲戶部尚書岳之子霖起于流落亦爲兵部侍郎無復世將之風矣惟吳郭居近塞尚餘將種云

吳玠福不逮吳璘

吳襄烈珙本吳涪王玠庶弟也父辰爲軍校娶劉氏生子玠璘旣而其家婢生珙劉氏悍而妬辰憚之命玠名爲兄子然珙爲人頗類玠屢歷行陣亦得軍士心晚年與璘子挺同爲管軍節度使而玠官止使相

珙止節制使璘官至太傅封新安郡王挺亦至太尉  
古人言智將不如福將玠璘近之矣奉議郎李荀老  
太宰拜彥猶子也娶璘中女能道其家事如此云其  
後挺子曦以叛誅璘之他子孫皆廢徙朝廷念玠保  
蜀之功特免連坐焉

趙開山改姓

開山趙者沂州土豪也初姓趙名開山紹興末虜亮  
苛虐人心不附開山因聚眾山澤間爲盜及虜掠入  
寇朝廷遣李寶入膠西開山引兵自城陽會之因改  
姓名爲開山趙示欲開趙氏中興之業也旣而葛王

立趙隨寶歸朝積官武畧大夫英一作華州刺史乾道

庚寅南郊當任子自言今已姓開不可使父無子孫  
繼後乞將男天錫一名許從趙姓蔭補以繼父趙整  
之後詔特許之一家兩姓自昔所未有也

劉李二忠定得諡本末

壽皇時前朝舊臣多得賜諡徃徃官未至而特予之  
蔡君謨之類是也淳熙庚子劉元城家請諡 上謂  
大臣曰元祐黨籍朕幾不記此人趙溫叔曰黨籍從  
官以蘇軾爲首安世乃第二人也今其語錄尚傳于  
世乃諡忠定戊申歲李伯紀家請諡 上偶未省宰

相周子充爲 上言其平生大畧 上言曰志廣才  
踈其張浚之徒與于是亦諡忠定二事乃趙周二公  
親言之

何道夫恬于進取

何耕道夫德陽人嘗爲類省試榜首知名士也恬于  
進取登第三十年始召爲倉部郎遷右曹兼儲察史  
院國子監司業遂爲祭酒兩學之士甚重之道夫每  
退輒徑歸杜門未嘗造請淡如也淳熙七年四月二  
十二日禮部齊侍郎慶曾罷或謂道夫得之已報行  
矣部吏亦掃閤待其來旣而中止或曰道夫雅爲趙

丞相所敬然不甚親之方進呈乃以鄉國之嫌爲辭  
或曰蜀人有與之異趣者摘其早年之文爲王抃密  
言之故不果用明年春遷秘書少監其秋溫叔罷相  
道夫亦求去 上諭大臣曰趙雄罷政而蜀士一空  
太薄惡不可執政論 上旨道夫迄不肯留乃除知  
潼川府比行兩學之士送之關外前所未有也溫叔  
之罷也蜀人爲所引者徃徃被逐獨道夫不染物議  
雍容而去時人稱之道夫當任子先官其兄之子及  
死三子德方德彥德固似未官後皆登科

李知幾豪邁

李石字知幾資中人進士高第蜀人號爲方舟先生者也紹興末爲太學錄右學生芝草學官方賀知幾獨以爲兵兆由是坐斥乾道中自沉黎召爲都官卽官復論去趙溫叔其鄉人驟貴知幾以晚輩視之不與通書久之起守眉州除成都路轉運判官到官十日罷未幾溫叔秉政自是不復起矣溫叔免相王季海代之知幾與季海有學官之舊自書近詩數十首寄筆勢欹傾殆不可辨季海甚憐之方議除官而知幾死矣知幾爲人豪邁然亦褊急爲小漕日有石監庫者入謁知幾視其刺大怒與謁吏以石監庫稱之乃已及罷去成都有十還之謠石監庫還姓其一也在眉山日郡博士欲戲之因命題云子擊石拊石百獸率舞知幾語之曰君乃欲痛箠石令畜輩喜悅耶聞者以爲善諱

虞丞相去國恩數之盛

虞丞相再撫蜀 壽皇以詩送之曰一德如公豈合閑聊分西面欲憂寬不辭論道虛台席暫假宣威築將擅風教已興三蜀靜干戈載戢萬方安歸來尚想終霖雨未許鄉人衣錦看其恩數之盛自渡江以來宰相去國所未有也又用故事賜家廟五室祭器除



其子公亮直秘閣而結使費俊者亦除閣門祇候蓋非常典云

### 宣徽副使

歐陽公集古錄跋康約言碑云約言嘗爲宣徽北院副使以此見唐時南北院宣徽各有副也按唐末封

一作

趙殷衡爲宣徽副使已見于史不待康碑而可知

### 范季才五代史正誤有未當者

范季才五代史記正誤甚爲詳博但其間亦有辨之未當如李琪傳稱其所私吏當得試官琪改試爲守末帝大怒季才按通鑑稱琪改攝爲守且謂以試爲

守特輕重之差何至竄逐以攝爲守則是以無官爲有官所以末帝欲深責也季才但見今職事官以行守試分職錢多少故謂特輕重之差不知未改官制前自有一種試銜如云試校書郎試將作監主簿之類皆選人也若守監簿卽京官矣季才自于典故未熟率意而言舊史本不誤也

### 昔人著書多或差誤

自昔著書首尾多不相照雖資治通鑑亦或未免此病大抵編集非出一手故也姑以一事論之漢景帝四年中四年皆以冬十月日食今通鑑並書于是秋

之後蓋編集者自本志中摘出而不思漢初以十月  
爲歲首故誤係之歲末耳近歲呂伯恭最爲知古陳  
君舉最爲知今伯恭親作大事記君舉親作建隆編  
世號精密余嘗考之皆不免差誤亦隨事辨之矣朱  
文公通鑑綱目條貫至善今草本行于世者于唐肅  
宗朝直脫二年之事亦由門人綴緝前後不相顧也  
又自唐武德八年以後至于天祐之季甲子並差考  
求其故蓋通鑑以歲名書之而文公門人大抵多忽  
史學不熟歲名故有此誤余因諸生有問亦爲正之  
矣然則該貫古今亦非可薄之事但不至于喪志可

耳

蜀帥聘幣之不入私家者三人

近歲蜀帥聘幣之不入私家者趙子直德老楊嗣勳  
三人而已子直以調細民之焚室者德老將去聚宗  
室之在九縣者而分餉之嗣勳併迓新之具不有焉  
近例蜀帥代歸輒以修城爲名取買舟錢數萬計及  
嗣勳召還從省司取四千緡而已先是陳端仁爲帥  
馮廷式爲成都漕端仁有聘幣廷式例以元物易封  
而報之端仁大恨至用他事劾廷式于朝 壽皇知  
之不信也近歲吳德夫入蜀聞李仲行之節甚敬之

比德夫入城而伸行首却其餽德夫請不已乃面受  
分帑吏而後答書焉德夫不平由是二人稍有隙廷  
式名憲普州人淳熙末卒子司農卿總領四川財賦

傅陸修史舉代

嘉泰初朝廷以中興史未成召傅景仁龍學于泉南  
起陸務觀華文于既老皆以京祠專領史事已而景  
仁除僉書樞密院事老病不能拜力辭乃以爲寶政  
殿學士出守時務觀年且八十後引年遂以次對領  
秘書監俄復致仕朝廷命二公舉可代者務觀薦京  
西轉運判官李伯珍大異景仁薦新除夔州路提點  
刑獄李季章璧遂召伯珍爲秘書監遷中書舍人右  
諫議大夫而季章爲秘書少監遷宗正少卿直舍人  
院以至執政不復領史事矣

龔頤正續稽古錄

龔頤正字養正和州歷陽人曾祖原尚書兵部侍郎  
頤正本名敦頤少舉進士不第用洪丞相門客思爲  
不理選限登仕郎嘗著符祐本末三十卷又撰元祐  
黨籍三百九十人列傳所佚者六人而已洪內翰領  
史院薦于朝初授下州文學旋補迪功郎監潭州南  
嶽廟 光宗受禪改今名用薦者主管吏部架閣文

事遷大社令宗正事主簿頤正著續稽古錄盛言侂  
胄定策之勲由是擢兼善堂小學教授遷樞密院編  
修官嘉泰元年秋詔以頤正學問該博賜進士出身  
兼實錄院檢討官付以三朝史事是冬遷秘書丞未  
踰月卒及侂胄死有詔毀其續稽古錄焉

諸司屬官理當通判

嘉泰三年忽有旨諸司屬官係京官者理當通判時  
張伯子同知之弟孝仲爲京西安撫司幹辦公事卽  
除知成州明年擢提點利州路刑獄未幾虞雍公之  
孫易簡亦自福建漕幕擢守大寧蓋用此例

御筆嚴監司互一作遠送之禁

嘉泰三年上御筆嚴監司互送之禁然遠方自如  
四年夏馬使彭輅至成都制使謝源明茶使趙善宣  
留連踰兩月自入境迎迓以至折俎贈行以楮幣錦  
綵書籍藥物計之所得幾萬緡而謝趙所得不稱也  
蓋諸路互送惟建康成都最厚諸司每會集一分計  
三百八十千成都三司互送則一飯之費計三千四  
百餘緡建康六司乃倍之而隣路監帥司尚不與是  
歲六月趙漕自成都運判除四川茶馬時趙攝事已  
久朝廷本以省將迎之費茶漕監制司成都城中而

送還迎迓公用水脚之費各司爲數千緡舊無所謂  
壓境錢者謝用光始創之趙元不離城中而亦受壓  
境錢茲又可笑也建康所謂六司者帥漕總賦戍一作  
武騎二司帥而主管行宮大內鑰匙官者與焉每歲  
時留守按行殿中官者輒置酒自居主席而坐留守  
于賓位陳正獻公爲留守斥去之其後范致能來端  
復其舊

莎衣道人

莎衣道人者姓何氏淮陽軍胸山人也祖執禮仕至  
朝議大夫道人避亂渡江舉進士不中紹興末始來

平江一日自外歸倏若狂者身衣白襴晝則扣門乞  
食夜則止于天慶觀之門外久之衣益敝則以莎緡  
之嘗遊妙巖寺臨池見影豁然大悟人無貴賤問以  
休咎無不奇中世號莎衣道人 孝宗問其名召之  
不至賜號通神先生爲築菴居之賜衣數襲道人皆  
不受道俗強邀入菴大笑而出復于故處平江好事  
者日以珍饌餉之每食于通衢逮飽卽去 光宗卽  
位又召復不至周南卿廷策所謂特遣王人聘問妖  
民于數百里之外者此也慶元六年道人卒于平江

陳應求正虜使書儀

傅韓除館使附

自渡江後北使往來皆傳其國人御名廟諱而本朝止傳 帝名又北使與館客者往來文牒皆以花字代書名隆興再和未之有改乾道二年冬陳應求初執政會虜之賀正且使者至應求以故事押宴使者致私覲其狀元書而不名應求却之掌儀懼白應求恐生事應求使語之曰今日豈當用辛巳以前故事邪使者詞屈乃問應求爵里甚悉而易狀書名以遣曰特爲陳公屈耳自是遂以爲例云紹興元年重明節黃文叔以王府翊善奉詔接伴八月十九日至盱眙文叔問掌儀田愿 高宗何以稱帝名而不稱廟

諱愿云自耐廟後元未理會文叔遂遣愿等持廟諱御名三紙以往北使副視之云前無此例愿答云此乃二十七朔之外第一番講禮帝名廟諱合有分別往返久之北使副乃謂愿云爲我謝使副所言極是當理非不曉得止爲來時不曾得朝省旨揮止依得册子上行難以擅專切望相諒文叔乃已既而北使接來傳彼國名諱白旻以下至于其父兄恭稱廟諱者凡六人 旻晟宗堯帝雍允恭 文叔歸而奏其事乞後遣使人力議改正蓋興隆更成之時廟堂亟于弭兵僅能正其大體而交際之文或未暇議盡 一作 不止一二也

舊例宰執親爲虜使除館且以三衙衛士結其役乾道元年虞弁父執政始革之又歲賜虜使金銀器皿文思院造成先令工部長貳臨視版曹繼之次赴都亭驛中使點集復賫宰執徧閱然後進呈淳熙十二年李叔永昌圖爲工部侍郎言不足以賫至尊于是止令赴都堂驗視

張詔使虜驟用

淳熙中張詔君卿守厯陽被旨介聘一日虜人持所繪祐獻二陵像至館中皆北地之服君卿嘗識列聖御容心知其試已也卽鄉之再拜館客者問之君

卿曰詔雖不識其人但見龍鳳之姿天日之表疑北朝祖宗也敢不下拜虜無語孝宗聞而大喜之由是驟用

京仲遠將命執禮

思陵之喪北人來弔京仲遠以中書門下省檢正諸房公事充報謝使步軍司計議官劉端仁副之仲遠至汴京北人循例賜宴仲遠辭樂虜不從相持凡十日竟徹樂乃赴上甚避之及還朝上諭大臣曰鎗此節可嘉尋常人多言節義事須遇事乃見及進呈遷秩上曰鎗專對可嘉當轉兩官端仁亦比類

周子充等言不必問轉官在聖意除擢可也 上曰  
只依例轉官便與除擢 上又曰此事全是京鏜若  
劉端仁所謂因人成事者鏜則毛遂也鏜除侍從端  
仁亦當稍旌別可令密院進擬除環衛官于是詔京  
鏜將命執禮可嘉爲朝請郎權工部侍郎劉端仁爲  
修武郎左驍騎郎將而武經大夫京畿第二將國所  
通事田愿亦遷武節大夫十五年六月壬辰也後四  
十日蜀帥趙子直以疾求去 上諭大臣曰汝愚召  
赴行在京鏜人才磊落可除待制四川制置子直聞  
之謂人曰鏜望輕資淺可當此方面由是兩人有隙

仲當時所立如此

### 張通古詩能聰慧

北人張通古者紹興八年以行臺侍郎來使通古稍  
能詩其還也歸正燕人周襟與通古舊知奏乞送至  
境上通古至安豐軍贈詩爲別曰良人輕一別奄忽  
幾經秋明月望不見白雲徒自愁征鴻悲北渡江水  
奈東流會語知何日如今已白頭通古性聰慧秦丞  
相嘗以胡邦衡封事示之一覽卽能誦

### 奉使入北境車子數

舊例南使入北境虜遣伴使來迓正副使以下至三



節人皆乘馬其後以南人不習騎乃易以車子使來  
乘之使副各一車上中節各四車下節三十二人共  
五車每車以馬騾十餘曳之又發白軍四百人護送  
所謂縣令皆迎迓于境上至開封乃賜御宴真定又  
賜之常使至燕京寓于來遠驛若泛使則居寧遠驛  
焉

愛王之叛

愛王葛王孫也始允恭既早世葛王受其兄越王欲  
立之既而不果金主立愛王遂謀叛為其妻父僕散  
琦所告事覺乃以放牧會寧府為名居上京以叛明

昌六年三月丁酉也金主三召之不至因結契丹韃  
靼蒙國以叛取慈岳等州時越王在咸平契丹撤金  
人請立之為帝金主徙王于慶陽五月丁酉賜王使  
誅其家屬八十餘人惟越王在焉至今為金國忠僕  
散琦即承安四年來賀 上生辰者 明昌六年本朝  
慶元二年承安  
四年本朝慶元六年作此錄後按年乃見有記虜中  
事者以愛王為部王允恭之子按允恭乃王景之父  
淳熙十六年三月密劄下沿邊諸州避  
其名諱甚詳昔以為部王後甚誤矣

建炎以來朝野雜記乙集卷第十四

宋

井研

李心傳

伯微

撰

雜事一

岳少保誣證斷案

岳武穆王飛之死王仲元揮麈錄載王俊告變狀甚詳且云嘗得其全案觀之仲貫甫為尚書郎問諸棘寺則云張俊韓世忠二家爭配饗時俊家因以厚賂取其案藏之今不存矣余嘗得當時行遣省劄考其獄詞所坐皆一時煅煉文致之詞然猶不過如此則飛之寃可見矣今錄于後紹興十一年十二月二十

九日刑部大理寺狀淮南尚書省劄子張俊奏張憲  
供通爲收岳飛文字後謀反行府已有供到文狀奉  
聖旨就大理寺置司根勘聞奏今勘到龍神衛四  
廂都指揮使閬州觀察使高陽關路馬步軍馬副都  
總管御前前軍統制權副都統節制鄂州軍馬張憲  
僧澤一右朝議大夫直秘閣添差廣南東路安撫司  
叅議官于鵬右朝散郎添差通判興化軍孫革左武  
大夫中州防禦使提舉醴泉觀岳雲有一作蔭人智  
浹承節郎進奏官王處仁從義郎新授福州專管巡  
提私鹽蔣世雄及勘證得少保武勝定國軍節度使

充萬壽觀使岳飛所犯內飛因爲探報得金人侵犯  
淮南前後十五次受親劄指揮令策應措置坐觀勝  
負逗遛不進及因董先張憲問張俊軍馬怎生地道  
都敗了回去便指斥乘輿問張憲董先道張家韓家  
你將一萬人跣踏了及因罷兵權後令孫革寫書與  
張憲令措置別作擘畫令看訖焚之及令張憲虛申  
四太子大兵前來侵犯上流自後張憲商議待反背  
據襄陽及把截江西下令擄官私舟船又累次令孫  
革奏報不實及至勘虛妄等罪除罪輕及指斥乘輿  
情理切害者斬係罪重外法等稱律臨軍征討稽期

三日斬其岳飛合依斬刑私罪上定斷合決重杖處  
死看詳岳飛坐擁重兵于兩軍未解之間十五次被  
受御筆拜遣中使督兵逗遛不進及于此時輒對張  
憲董先指斥乘輿情理切害又說與張憲董先跽踏  
張浚韓世忠人馬及移書與張憲合措置別作擘畫  
致張憲意待謀反據守襄陽等處作過委是情理深  
重敕罪人情重法輕奏裁張憲為收岳飛書合憲別  
作擘畫因此張憲謀反要提兵占據襄陽投拜金人  
因王俊不允順方有無意作過之言并知岳飛指斥  
切害不告并依隨岳飛虛申無糧進兵不得及依于

鵬書申岳飛之實

一作意

令妄申探報不實及制勘

妄除罪輕外法等稱律謀叛絞其張憲合于絞刑私  
罪上定斷合決重杖處死仍合依例追毀出身以來  
誥勅文字除名本人犯私罪絞舉官見行取會候到  
別具施行岳雲為寫謄日一作目與張憲稱可與得心  
腹兵官商議擘畫因此致張憲謀叛除罪輕次等外  
法等稱勅傳報朝廷機密事流三千里配千里不以  
蔭論勅刺配比徒三年本罪徒以上通比滿六年比  
加役流律五品犯流以下減一等其岳雲合比加役  
流私罪斷官減外徒三年追一官罰銅二十斤入官

勒停看詳岳雲因父罷兵權輒敢交通主兵官張憲  
 節次催令與得心腹兵官擘畫致張憲因此要提兵  
 謀叛及傳報朝廷機密惑亂軍眾情重奏裁岳雲犯  
 私罪徒舉官見行取會到候別具施行于鵬為所犯  
 虛妄并依隨岳飛寫詔日一作目與張憲等妄說岳飛  
 出使并令張憲妄供探報除罪輕外法等稱勅為從  
 不配律五品犯流罪減一等于鵬合徒三年私罪官  
 減徒二年半追一官罰銅十斤入官勒停情重奏裁  
 于鵬犯私罪徒舉官見行取會候到別具施行孫革  
 為依隨岳飛寫詔日一作目與張憲稱措置擘畫等語

言并節次依隨岳飛申奏朝廷不實除罪輕外法等  
 稱律奏事不實以違制論徒二年律共犯罪徒減一  
 等其孫革合徒一年半私罪官減外徒一年合追見  
 任右朝散郎一官官告文字當徒一年勒停情重奏  
 裁孫革私罪徒舉官見行會問候到別具施行王處  
 仁為知王貴申朝廷張憲背叛泄漏供申岳飛并說  
 與蔣世雄法等稱勅傳報漏泄朝廷機密事流三千  
 里配千里應罪刺配比徒三年本罪徒以上通比滿  
 六年加役流官當准徒三年其王處仁合于比加役  
 流私罪斷合追見任承節郎并歷任承信郎共兩官

官告文字當徒三年據案別無官當更罰銅八十斤  
入官勒停情重奏裁王處仁犯私罪流舉官見行會  
問候到別具施行蔣世雄爲見王處仁說王貴申朝  
廷張憲待背叛事于岳飛處覆除罪輕外法等稱律  
傳報漏泄朝廷機密事流三千里從減一等其蔣世  
雄合徒三年私罪斷官減外徒二年半合追從義郎  
秉義郎二官官告文字當徒二年餘半年更罰銅十  
斤入官勒停情重奏裁蔣世雄犯私罪徒舉官見行  
會問候到別具施行僧澤一爲制勘虛妄并見張憲  
等待背叛向張憲言不如先差兩隊甲馬防守總領

一作

繼鎖運使衙并欲與張憲詐作樞密院劄子發兵過

江及要模刻樞密院印文除罪輕外法等稱律謀叛  
者絞從減一等其僧澤一合流三千里私罪斷合決  
春杖二十本處居住一年役滿日放仍合于一作本  
處照僧人犯私罪流還俗條施行情重奏裁智浹爲  
承岳雲使令要將書與張憲等并受岳雲金馬令智  
浹將書與張憲等共佑錢三百二貫足除罪輕外法  
等稱律坐贓致罪一貫徒一年十貫加一等罪止徒  
三年謂非監臨主司因事管財七品官子孫犯流罪  
以下聽贖其智浹合徒三年贓罪贖銅六十斤情重

奏裁小貼子據貼黃稱契勘岳飛次男岳雷係飛一處送下今來照證得岳雷並無干涉罪犯緣爲岳飛故節飲食成病依律合召家人入侍已就令岳雷入侍看覷候斷下案內人日所有岳雷亦乞一就處分降下又小貼子稱所有僧澤一合下本處依條施行又小貼子稱契勘內于鵬見行湖北轉運使根究銀絹等四百萬合下所屬照會候根究歸著日卽乞依今來所斷指揮施行又貼子稱看詳岳飛張憲所犯情重逐人家業并家屬合取自朝廷指揮拘籍施行看詳岳飛等所犯內岳飛私罪斬張憲私罪絞蓋係

情理重王處仁私罪流岳雲私罪徒並係情理重蔣世雄孫革于鵬私罪徒並係情理稍重無一般例今奉 聖旨根勘合取旨裁斷有旨岳飛特賜死張憲岳雲並依軍法施行令楊沂中監斷仍多差將兵防護餘並依斷于鵬孫革蔣世雄王處仁除名內于鵬孫革永不議敘議一作收于鵬送萬安軍孫革送潯州王處仁送建州蔣世雄送梧州並編管僧澤一決脊杖二十刺面配二千里外軍州牢城小分收管智浹決臂杖二十送三千里外州軍編管岳飛張憲家屬分送廣南福建路州軍拘管月具存亡聞奏編管人并

岳飛家屬並令楊沂中俞侯其張憲家屬令王貴汪叔詹多差得力人兵防送前去不得一併上路岳飛張憲家業籍沒入官委俞侯汪叔詹逐一抄劄具數申尚書省餘依大理寺所申併小貼子內事理施行仍出榜曉諭應緣上件公事之人一切不問亦不許人陳告官司不得受理

此卷繆誤特甚其對本內字亦多錯落細加校勘畧為正定暇日當再以金陀粹編校之此等有關係文字不使草草脫手也辛丑八月二十四日記

建炎以來朝野雜記乙集卷第十四終

建炎以來朝野雜記乙集卷第十五

宋 井研 李心傳 命 伯微 撰

官制一

平章軍國事

平章軍國事開禧元年初置以命韓侂胄國朝舊相特命平章軍國事者凡四人天禧初王文正公以首相告老拜太尉兼侍中五日一朝遇軍國大事不以時入參決公懇辭不拜慶曆初呂文靖公亦以首相求罷拜司空平章軍國重事公卒辭之元祐初文忠烈公自太師落致仕除平章軍國重事未幾呂正獻



公以右揆求去亦除司空同平章軍國事潞公五日一朝申公兩日一朝非朝日不至都堂蓋祖宗所以優待元勳重德之意非他相比也王呂二公所平章重事之目不可得而考潞公所謂重事則大典禮大刑政及進退侍從管軍三京尹三路帥臣以上乃與聞之比申公去重字則政事無所不關第省其常程細務而已及侂胄將拜平章儀曹蕭景伯討論典禮乃請三日一朝因至都堂議事大率皆用申公故事而損益焉其後邊事起又命一日一朝尚書省印亦納于其第宰相僅比參知政事不復知印矣始事

禮官議廣左丞相府以為侂胄第又議仍給節度使俸侂胄引議控辭有詔褒納而止蓋侂胄繫銜比申公省同字則其體尤尊比潞公省重字則其所與者廣此當時討論之本意

參知政事併除三員

參知政事自乾德以來止除二員或一員而已嘉泰三年春謝子蕭初免相許深甫入參知政事既命陳允文以樞長兼權俄又除韓起崑韓一作袁蓋三員也時朝廷未置相故勉之以員外兼此亦國朝所未有嘉定初又命雷季仲婁彥文一作樓大防並參知

一作亦遂為故事

權提舉編修玉牒

權提舉編修玉牒者自乾道元年錢處和始故事玉牒以首相領之紹興十六年初復玉牒所欲重其事既以秦會之提舉十四年五月又命執政程元顥同兼非常制也自後相府闕則以首參兼仍帶權字淳熙十五年五月王丞相去位周益公以右揆兼領時勅令所繼罷而首參留仲至無兼局益公奏乞以仲至權提舉玉牒許之宰相在位而執政權領寶牒自此始

權兼修國史

權兼修國史亦自錢處和始時當隆興二年十二月湯進之去位陳長卿未至故以執政官領之其後曾欽道鄭仲一姚令則葉夢錫龔實之李秀叔范致能趙溫叔皆用此例淳熙五年十一月溫叔為右丞相陞兼提舉國史院錢景魏代為監修國史內批不帶權字景魏免牘有曰丞疑兼領止加丞攝之名忽冒真除葛開近比周益公在翰林當為答記援故事乞仍帶權字許之蓋一時直筆者偶失契勘故景魏以為疑自後率帶權字

權提舉國史院

權提舉國史院自乾道元年三月虞并父始時以缺  
札故與錢處和分領兩史院其後魏南老李秀叔施  
聖與皆以執政官兼權闕相故也南老遇人相落權  
字秀叔聖與皆以命相免兼蓋監修國史者指日歷  
也提舉國史院者指正史也紹興中秦會之以監修  
國史兼提舉六年五月並命沈守約万俟卨二相  
始分領焉始時左相領日曆右相領史院若止命一  
相則參知政事權提舉國史如事有年乾道九年十  
月會欽道以右揆提舉國史院而鄭伸一以參政權

監修國史日曆蓋循例以史院命相而非以史院爲  
重自是並置二相則復舊制以監修國史命首相止  
置一相則宰相領史院所謂監修國史者以首參權  
領焉迄今遂爲永制

權提舉實錄院

權提舉實錄院者自乾道二年十二月魏南老始其  
後李秀叔亦爲之皆以無相故也紹興以後置二相  
則右相仍領實錄院無次輔則以執政官權

庶官除同修國史

同修國史故事未有以庶官爲之者隆興初胡邦衡

以起居郎兼權中書舍人始特命焉乾道二年冬洪景盧亦以起居舍人兼同修蓋用此例四年九月胡長文自右司除起居舍人明年有旨陞帶長文引故事力辭乃命兼編修如舊自趙溫叔以後修注官無復兼同修者

權同修國史權實錄院同修撰

權同修國史權實錄院同修撰自淳熙三年正月李文簡始故事修史修撰皆從官爲之惟胡邦衡嘗以起居郎兼同修撰後無繼者及是文簡再還朝爲秘書監上欲付以史事故特命焉後兩月遷禮部侍

郎遂落權字嘉泰後陸務觀李季章皆踵爲之近制修撰同修撰通止四員檢討官六員嘉定二年十二月曾君錫自起居郎兼檢討官除權侍郎當陞帶而員數已溢乃降旨權以檢討官繫銜俟有缺日帶陞從官爲史討自此始

翰林權直學士院權直

翰林權直學士院權直皆自崔大雅敦詩始故事直院必以侍從若左右史爲之其間沈虛中以少司成莫子濟王經伯王季海以宗正太常少卿兼權直院蓋殊命也乾道九年十二月孝宗初命大雅以秘

書省正字兼翰林權直踰年以憂去淳熙五年九月復召爲樞密院編修官始議以翰林乃書藝應奉者所居非專指詞臣也遂改學士院權直自是葛楚輔一作甫趙大本熊子復皆以學士院權直爲名十六年正月倪正甫始復兼翰林權直紹熙後或稱學士院或稱翰林蓋不嘗云

### 直舍人院

直舍人院 祖宗時有之官制行以中書舍人爲宰相屬官號後省故以他官兼攝者但謂之權舍人而已嘉泰四年李季章以宗正少卿權中書舍人兩中

### 侍立修注官

侍立修注官者自羅春伯始 祖宗時以起居舍人寄祿而更命他官領其事謂之同修起居注官制行復爲郎舍人淳熙十五年十月春伯自戶部員外郎除右史避會祖諱乃以爲太常少卿兼侍立修注官其後兩史或闕則降旨以某人權侍立官蓋自此始

### 庶官兼侍講

侍講自去學士後秩止正七品然率以待從官兼之  
紹興五年閏二月范元長以宗卿朱子發以秘少並  
兼蓋殊命也乾道六年十一月張敬夫始復以吏部  
員外郎兼侍講蓋中興後庶官兼侍講者惟此三人  
若紹興二十五年十月張扶以祭酒隆興二年八月  
王宣子以檢正乾道七年九月林景度以宗卿入經  
筵亦兼侍講者蓋扶本以言路兼說書就陞秩宣子  
時攝版曹景度當為右史且自敬夫舊例故稍優之  
皆有以也近歲陳正仲朱仲文以諫官兼侍講後遷  
少常因而不去蓋用胡邦衡例其餘庶寮無復兼者  
矣

祖宗時臺諫不兼經筵

祖宗時臺諫例不兼講讀蓋以宰執兼侍經席避嫌  
也神宗用呂正獻亦止命時赴講筵去學士職中興  
後王尚書賓為御史中丞廷請復開經筵遂命兼侍  
講自後十五年間繼之者惟王唐公徐師川二人皆  
上意也紹興十二年春方俟中丞禹羅諫議檄並兼  
講讀蓋秦楚林一作材是時已兼說書便於傳導自後  
伯陽繼之每除言路必兼經筵矣檜死遂罷兼自二  
年十月至三十一年臺慶元後臺丞諫長洎副端正  
臣諫長兼經筵止三人

言司諫以上無不預經筵者未及兼者惟張伯子李  
景和二人云

非臺丞諫長而兼侍講

正言兼說書自巫端明倂始副端兼說書自余端明

堯弼始察一作諫官兼說書自陳少卿夔始紹興二十

五年春董使一作殿院德元王正言珉並兼侍講非臺

丞諫長而以侍講為稱又自此始其後猶或兼說書

臺官自尹穡與隆二年五月諫官自詹元宗乾道九年十二月後並

以侍講為稱不復兼說書矣

修注官以史院易經筵非故典

自朱子發後修注官以史院兼侍講嘉奉二年八月

林伯玉自殿中侍御史兼侍講除起居郎其年閏十

二月鄧伯允自右正言兼侍講除起居舍人伯玉改

兼領刑侍領一作權伯允改兼史編寶討非故典也開禧元

年八月婁彥開自言路徙奉常兼權中書舍人亦

以史院易經筵遂為史例史一作定三年十月朱仲文自

司諫改奉常兼講如故意者以其兼權史侍故也十

一月王簡卿去諫院為左史仍兼崇政殿說書言者

猶以為不可罷之嘉定元年春黃伯庸自右正言兼

侍講除起居舍人兼如舊合故典矣自渡江後惟王樞密倫以右史

兼說書其它  
無此比也

博士正字兼說書

崇正殿說書渡江後自尹彥明始彥明初以秘書郎兼之後多以命卿監察官中間王龜齡范致能王與正皆以郎官兼亦殊命也若紹興中陳少南以博士乾道末崔大雅以正字並兼說書此則國朝所未有非科目而侍講讀者或濫吹

中興後非科目進身而侍講讀者自徐師川始其後陳幾叟蘓仲虎孫太冲尹少稷王能甫姚令則蘓季真繼之議者亦謂不無濫吹若錢處和伯同父子則第以為父子執政兼官非諸人比耳

太常除卿

太常卿正四品自元豐改官制後虛而不除嘉泰三年十一月陳正仲自江西提刑赴召除太常卿告謝日賜三品服非常制也不數日改權兵部侍郎疑大臣失於討論欲函遷之耳

館閣校理

館閣校理未改官制前有之嘉定初留舍人元剛召試除秘書省正字元剛仲至之孫也以祖諱辭乃命權以館閣校理繫銜此亦元豐以來所未有



宰相兼東宮三少

東宮三少在 祖宗時為散秩前宰相及執政官告老者例得之 仁宗在春宮李文定公以參知政事兼賓客及陞相位遂進兼少傅此宰相兼官僚之所從始也天禧末皇太子同聽政乃以首相丁謂之兼少師樞使曹利用兼少保而參樞諸人並兼賓客自後 神宗 欽宗 孝宗 光宗在東宮皆不復置開禧三年十二月韓侂胄既誅史同知自詹事入樞府乃進無賓客已而 太子侍立遂以錢丞相兼太子少傅

明年並置二相左相改兼少師右相改兼少傅未幾右相丁內艱左相亦去位又明年右相起復遂進兼少師焉

東宮講官

東宮講官者舊無有嘉定己巳春侍講余文子少卿接伴北使乃命館職劉仲則特暫兼權仲則名槩莆田人時為著作郎

太子舍人

太子舍人渡江以前有之紹興乾道間皆不置嘉定初始正除王舍人元實復以館職任伯起兼之慶元

令太子舍人與中書舍人皆從七品而中舍人又在舍人之上然故事亦未嘗除

皇太子宮小學教授

皇太子宮小學教授舊無有紹興二十年孝宗爲建王王龜齡以校書郎兼小學教授時光宗與莊文太子魏惠憲王皆就傳故也淳熙七年今上爲英國公年十三未就傳其年正月大理正王尙之面對乞依故事擇儒臣爲東宮小學教授遂命楊嗣勳兼之上命宰相精擇其人趙丞相言楊輔儒雅蘊藉操守甚正遂命之繼之者劉德修也

資善堂翊善贊讀

資善堂翊善贊讀紹興六年五月初置以命朱子開范元長時孝宗以建國公就傳故也其後孝宗出閣就第而信王幼亦命廷臣踵爲之開禧元年七月皇子初封榮王命程少逸左史兼贊讀少逸以祖諱辭乃命軍器監趙子中兼領其不稱王府而以資善入銜蓋以未出閣之故子中江陰人名夢極嘉定初卒於給事中

資善堂直講

資善堂直講紹興中無有開禧元年七月初置以命鄒景初皇子之未王也景初以著作郎兼小學教授

故就用之

資善堂小學教授

資善堂小學教授舊無有慶元六年四月始創以命蕭用博景伯時東宮纔封衛國公未正名故也舊制資善堂稱翊善若皇孫則爲皇太子宮小學教授至是參用之景伯名達新喻人父燧淳熙中執政景伯淳熙十四年廷試第四人慶元四年冬除太學博士明年遷國子又明年春兼實錄院檢討官遂爲學官之選數月除秘書郎不數年累遷至禮部尙書云

資善堂說書

資善堂說書者開禧元年七月初置以命張聲之聲道時太子初就傅李伯珍諫議建請增置講官用嘉祐故事以說書爲名從之然嘉祐間禦使故宮僚以皇子位伴讀說書爲稱自紹興初已置資善堂翊善贊讀其後王府又置直講官屬之名甚備至是乃沿襲故名蓋伯珍失於討論也

皇子位說書

皇子位說書紹興三十二年八月置以命吏部員外郎何備司封員外郎陳良祐光祿司丞唐堯封蓋時莊文太子魏惠憲王光宗皇帝皆以正任奉朝請

用嘉祐典故也九月三皇子皆封王乃置直講贊讀如舊制

王府翊善

與三十二年八月置以命直講員外

王府翊善國初以來有之品秩亦不甚崇今慶元令爲從七品雜壓在翰林良醫之下蓋庶官也 孝宗初就傅范元長以待制兼資善堂翊善自是率以從官爲之其後親王府不復除第以朝士兼贊讀直講而已淳熙末 今上在嘉邸留丞相始薦用黃文叔自秘書郎除翊善不爲兼官非常制也其後文叔遷起居舍人歷中書舍人給事中皆兼翊善是以從官

下兼七品之職矣紹熙四年夏文叔坐論鄭侍郎汝諧事真拜兵部侍郎去翊善文叔辭不拜王爲之請後月餘改寶謨閣待制仍兼翊善蓋始終六年云

王府記室叅軍

宗周其年設命可將命

諸王府記室叅軍靖康已前並置或以朝臣兼領係第二任知州者得理提刑自序渡江後不除乾道初魏王典藩始並除二員殺位在諸州通判之上後用取于直申明並同職事官序位在正字之下今慶元令親王府記室從八品在供奉官之下兩使職官之上然魏王府所用率以望人爲之非通判職官之比

矣凡記室長史司皆以三一作二年為任乾道七年二月已巳降旨

吳王益王府教授

吳益王府教授在紹興初謂之親賢宅講書從舊制也十二年改為府教授命館職二員兼之尋又併為一員所教親賢宅南班宗子也三日一上講月給湯茶錢十緡舊贖本府宗子料錢充之淳熙中劉德修為教授辭不取孝宗聞其事遂命戶部給焉

宗學博士宗學論

宗子博士舊諸王宮大小學教授也至道元年太宗將為皇姪等置師傅執政謂環衛之官非親王比當有降乃以教授為名咸平初遂命諸王府官分兼南北宅教授南宮者太祖太宗諸王之子孫處之所謂睦親宅也北宮者魏悼王子孫處之所謂廣親宅也二宅教授初止六員治平初以宗室浸盛有詔三十以上增置講書四員十四以下別置小學教授十二員以分教之崇寧初以宅相去遠乃令各置大小二學增教授二員不置講書五年又改稱某王公宗子博士位國子博士上靖康之亂宗學遂廢紹興四年始復置諸王宮大小學教授二員隆興省宮旋減其一身是月朔止一士講所教惟南班

宗室十餘人往往華皓一作革魄每教授初除及朔望則

赴堂一揖而退嘉定九年十二月始復置宗學改教

授為博士又置宗學諭一員並隸宗正寺博士在太

常博士之下諭在國子正之上俸給人從賞典依國

子博士及正體例于是宗室疏遠者皆得就學而彬

彬可觀矣續有旨復存諸王宮大小學教授一員

### 提舉太史局

提舉太史局紹興五年初置以命權戶部侍郎薛象

先蓋蓋祖宗時有提舉司天監如司馬公錢彥遠沈

存中王和又輩皆常為之趙子直秉政用此故事其

後言者指摘之蓋勿深考耳

### 國用司參計官

國用司參計官者開禧二年置始乾道間 孝宗嘗

命輔臣兼制國用然無官屬但於三省戶房置國用

司而已侂冑將用兵既復故事始以侍從一員兼參

計官卿監一員兼同參計官募人陳遺利又索諸路

諸司州縣歲賬而取其餘非乾道設官之意矣然是

時四川州縣諸司皆不以實報惟江浙諸州頗遭掊

取之害侂冑誅亦廢

### 提領拘催安邊錢物所

拘催安邊錢物所者嘉定元年置時甫廢國用司而  
 併冑及諸關省吏之家資財皆已簿錄黃伯庸疇若  
 為殿中侍御史請創此名遂命與戶部侍郎沈信叔  
 說同領其事即御史臺制局又以宰屬一員同領仍  
 許伯庸不拘常制到堂伯庸等請卿監一員提領安  
 邊庫朝士二員為拘催官仍揭榜募人者拘催事許  
 之其後會其入歲得七十萬緡專充北虜所增歲幣  
 其田宅契券皆藏之御史臺庫命臺官一員典領局  
 罷伯庸以下皆進官有差

六院官入雜歷

六院官入雜歷事甲記已具淳熙四年既削去近歲  
 乃復舉行其班在五寺主簿之下太學博士之上六  
 院官通計十二人皆得轉對但不入品耳然六院本  
 以為邑有政績為之故例為察官之選登聞檢古院  
 監官各一員  
諸司諸軍糧料院官各一員諸軍諸司審計司幹辦  
 官各二員官告院主管官二員都進奏院監官二員

四提轄

四提轄謂權貨務都茶場雜買務雜買場文思院左  
 藏東西庫是也權貨務場掌麩茗香礬鈔引之政令  
 紹興初沿宣政舊制置提領官率以故省例為之後  
 乃改用士人行在建康鎮江三務歲入凡二千四百

萬緡建康一千二百萬行在皆以都司提領不係戶

部之經費而在建康鎮江者分屬總領所焉開禧來

以總所侵用儲積錢始令徑隸提領官不屬總所買

務賣場蓋唐宮一作公市之遺制近制凡宮禁月料朝

省紙劄文思院之制造和劑局之修合皆所取給焉

至若左帑封椿之幣與編估打奪則賣場掌之紹興

六年始置提轄官總其事文思院掌金銀犀玉工巧

之制綵繒裝鈿之飾若輿輦法物器皿之用監官分

上下之界而轄官兼總之左藏東庫以儲幣帛絕絀

之屬其歲入率百四十萬端西庫以儲金銀泉券絲

續之屬其泉券歲入率二千萬緡宮衙百司禁旅三

衙祿賜皆取給焉監官凡五人分帑而治轄官一人

紹興間擇丞若簿之隸于計曹者兼領之乾道七年

四月始專置先是四轄官外補則為州內遷則寺監

丞簿亦有徑為雜監司或入三館者乾道八年十二月

福建市舶左藏王揖除九路鑄錢淳熙近歲望稍輕

七年三月熊子後自文思除校書郎往往更選六院官或出為添倅非曩日之比矣

三省監門官

三省樞密院監門官舊以小使臣為之嘉定六年九

月諫官鄭景紹言部門以京朝官則省門事體尤重

朝野雜記卷十五

七

乙



遂亦命京朝官曾經作縣道判資序人爲之

### 六部監門官

六部監門官紹興二年初置秩比寺監丞郎官有缺得兼之內遷則爲寺監丞或權郎外除至有爲諸路總領者紹興十年呂郎中希常二十四年蘇寺丞振是也乾道後補外止爲州內遷止爲寺監簿紹熙後又有爲添倅者其遷滋益輕陳勉之與王誠之給事有舊誠之名信麗水人迭用其子駒麟爲之二人皆小京官監當駒以言者論其資淺已之比勉之南遷麟亦罷去

### 六部架閣官

六部架閣官者崇寧間始置迄宣和再置再省紹興三年立六部架閣庫十五年復置官四人舊制成案留部二年然後昇而藏之又八年則委之金耀門文書庫今金耀門無復曩司則悉藏之架閣矣主管官號掌故擇選人有時望者爲之例爲編刪學官之選近歲滋益輕至有待次累年者朝廷患之嘉泰末有旨非闕官不除有選人家閭中其父與陳勉之有舊至是入都見勉之求爲掌故勉之對衆厲聲曰外間豈不知近旨見缺方除此何可得衆爲之踧踖後旬

曰竟除掌故或疑其由徑而得者問之徐曰丞相耳  
或曰丞相前日之語甚峻何以回造化耶其人即坐  
側取一幅書示之乃勉之答書也畧曰珍貺乎至  
一作見耀老目或問珍貺之名曰書生安得珍玩比所  
請不遂適從王家肆中見粟金臺盞十具重百星以  
四千緡得而獻之耳聞者嘆息而去  
嘉定八年七月  
定置三月樞密

院架  
閣官

宮觀使

宮觀使自真宗時始置以現任宰執領之及王文  
貞公罷政始以太尉領玉清昭應宮使此前宰相領

宮觀之所從始也熙寧初富文忠公彌使相領

集禧觀使居洛此宮觀使居外之所從始也渡江後  
前宰相在經筵者不以官高卑率為觀使若他宮則  
使相以上乃得之其居外者必官至三少乃除淳熙  
中崇憲靖王自節度使拜使相封郡王中書進擬提  
舉洞霄宮周文忠當制引故事宗室使相外居者當  
得觀使上批如所請紹熙初趙文定以使相判漳州  
府乞奉祠乃除醴泉觀使非舊典也開禧末陳勉之  
以特進罷相不帶入乃亦除觀使蓋章遙文一作侍  
郎當制失之翌日李季章進呈改提舉洞霄宮合故

典矣天禧以前崇觀以後宮觀使之名甚重渡江以後宮觀不復置而觀使有三前宰相則得醴泉宗戚則得萬壽又其次則得佑神云宣政間又有提點宮觀官在提舉之下主管之上今省

臨安少尹

判官  
推官

臨安少尹乾道七年五月置用敷文閣直學士晁子正為之以東宮領尹故也子正既罷沈德文一作姚令則輩皆以權侍郎繼為之九年五月東宮解尹事復置帥守如故始制少尹又制判官二員推官三員判官李秀叔以起居舍人兼劉文潛以國子司業兼

推官則正除金部員外郎陸子望將作少監馬希賢

一作

言朝奉郎錢佃判官依兩省官奉使法推官序位

在諸州知州之上任滿理為知州一任

五月十二日  
丙戌降旨

初命刑獄公事皆決於少尹皇太子止就東宮裁決少尹口受民詞白太子間日率僚屬詣宮稟事惟命官犯罪及餘人流以上則其事應聽東宮裁酌凡文書應奏者太子繫銜朝省臺郎則少尹以下達申寺監及本路監司並令移牒舊兩通判職務令第一第二員推官主管僉判職官職務令第三員推官主管俄有旨少尹比依知府判官比通判推官比幕職

官其統臨職分並照從官條例施行六月二日降旨用太

子請也或謂子正所建明由是與文潛不叶而罷明

年仙除吏部郎中又請以三推官分治三獄從之九月

丁亥降旨

### 寧國府明州長史司馬

諸王府長史司馬唐有之本朝不置以親王不領事

故也乾道七年二月魏忠憲王出鎮宣城始置寧國

府長史司馬序位依兩省官奉使法淳熙二年十月

移四明亦如之功議長史得治民舉吏如郡守司馬

如通判于是長史沈度請本府公事並經長史決遣

畢其各件申魏王照會長史司馬五日一詣王稟事

許之後一月王言如此則是長史欲處臣於無用之

地何以謂之判寧國府事乎望只委長史司馬分治

財谷之司依舊令臣引押吏民詞狀奏可前百年

後旨四月後移四明王又請置司得自舉吏淳熙二

年四月癸亥許之仍免結朝典云

### 制置大史

制置大使唐有之本朝不除紹興初始以席大光

大光時以前執政帥長沙而大將王瓌先已為制置

使故加大光大字猶 祖宗以文臣為制帥之意也

其後李伯紀在江西趙元鎮在浙東呂元直在浙西皆用此例及大光將入蜀朝廷以吳玠已為宣撫副使乃除大光成都等路安撫制置大使位宣撫之上大光以憂去位遂不復除開禧末江淮用兵起丘宗卿守金陵留鑰宗卿嘗以僉樞督視軍馬于是趙淳已為江淮制置乃沿故事命宗卿為江淮制置大使宗卿召以何自然代之自然始兼江東安撫俄申命兼大使如宗卿例已而罷四川宣撫又以安子文為制置大使兼知興元朝議以子文恩數視執政故加大字先是李端友程東老趙溫叔皆以前宰執知成

都止為制置使趙得老得執政恩例亦然今擬加大字蓋用自然例也舊例四川制置大使及制置使結銜皆在知府事上皆子文降告其結銜乃在下亦非典故

庶官結銜稱安撫使

安撫使舊制大中大夫以上或會歷侍從官者乃得之若庶官則止稱上官某路安撫使故事隆興中馬舍人騏自起居舍人兼直學士院淳熙中陳少卿叔達自宗正少卿兼權給事中補外後馬以中大夫秘閣修撰守瀘程以集英殿修撰守洪皆不稱安撫使

草聖苑言卷一五  
三  
蓋故事也嘉定二年二月劉德修以中奉大夫右文  
殿修撰守襄陽及出告乃並稱安撫使德修嘗為起  
居郎非侍從不知何故乃爾問其諸子亦莫之知云

### 十都統制

十都統制者自渡江以前亦有之然未為官稱蓋是  
時陝西河東北三路皆以武臣之任高有智畧者為  
馬步軍副都總管遇出師征討則加以都統制軍馬  
之名猶令節制軍馬之類非有分司也建炎初置御  
營司始以劉鄜王為本司都統制其下分為三軍三  
五各制統制以諸將張韓等為之苗劉既誅張韓又

改為御前左右軍都統制則已不隸御營司矣紹興  
初御營司罷有旨諸大將之軍稱神武五軍諸小校  
兵少者則謂之神武副軍並隸樞密院俄又以神武  
乃高歡謚號遂改神武五軍為行營五護軍韓世忠  
稱左軍劉光世稱右軍張俊稱中軍王瓌稱前軍巨  
師古稱後軍其後右護軍叛降偽齊于是吳玠軍始  
以右護軍為號四年玠陞宣撫副司其弟璘為右護  
軍都統制諸將故與璘等夷者惟楊政郭浩乃以政  
為宣撫司都統制屯興元府浩為樞密院都統制屯  
金州十一年張韓岳三大將皆罷兵乃收其所部為

御前諸軍而都統制皆以屯駐州名冠軍額之上獨  
川陝如故十九年鄭仲亨罷宣撫副使于是漢沔兩  
大將次第改爲御前諸軍其繫銜則璘稱利州西路  
駐劄御前諸軍都統制政稱利州東路駐劄御前諸  
軍都統制時浩已死故金州無都統制但以武臣知  
州前節制御前軍馬入銜至三十一年王彥始除金  
房開達州駐劄御前諸軍都統制乾道五年王公明  
入蜀奏乞三都統並依江上諸軍隨駐劄處繫銜庶  
幾一體其十月有旨從之江上始有京口秣陵武昌  
三大將紹興末虜將內侵楊和王請置江池二軍劄

太尉請置荆渚一軍嘉定初蜀叛既平王觀文又奏  
分興州十軍爲沔利二軍沔州除都統制利州除副  
都統制自是天下有十都統矣  
荆鄂一軍而正帥在鄂副帥在襄淳熙新也

建炎以來朝野雜記乙集卷第十五畢

皇朝詩話卷一

五

諸君自具夫不林十...  
本與...  
太...





